

Na osnovu člana 53. i 56. Zakona o budžetima Federacije Bosne i Hercegovine («Sl. glasnik F BiH», broj: 20/98), te člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 01/01 i 01/03) Općinsko vijeće Općine Velika Kladuša na VI sjednici održanoj 24.03.2005. godine, donijelo je

ODLUKU
o usvajanju finansijskih izvještaja i
godišnjeg obračuna budžeta za 2004. godinu

Član 1.

Ovom Odlukom usvajaju se finansijski izvještaji i godišnji obračun budžeta za 2004. godinu sa slijedećim veličinama:

Ostvareni prihodi	2.751,307
Ostvareni rashodi sa kapitalnim izdacima	2.545,188
Višak prihoda nad rashodima – suficit	206.119

Član 2.

Višak prihoda nad rashodima – suficit ostaje neraspoređen i služit će za finansiranje tekućih izdataka u narednoj godini.

Član 3.

O sprovođenju ove Odluke starat će se Općinski načelnik putem Službe za privredu i finansije.

Član 4.

Ova Odluka stupa na snagu danom objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVALJUĆI
OPĆINSKOG VIJEĆA
Sejfo Mustafić, s.r.

Broj:01-05-72/05.
Velika Kladuša, 25.03.2005.god.

Na osnovu člana 2. i 21. Zakona o porezima Unsko-sanskog kantona («Sl. glasnik USK-a», broj: 9/99 i 8/00), člana 7. Zakona o pripadnosti javnih prihoda Unsko-sanskog kantona i finansiranju Unsko-sanskog kantona («Sl. list USK-a», broj: 3/97) i člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 01/01 i 01/03) Općinsko vijeće Općine Velika Kladuša na svojoj VI sjednici održanoj 24.03.2005. godine, donijelo je

ODLUKU
o izmjenama i dopunama Odluke o porezima
građana Općine Velika Kladuša

Član 1.

Ovom Odlukom vrše se izmjene i dopune Odluke o porezima građana Općine Velika Kladuša («Službeni glasnik Općine Velika Kladuša», broj: 5/01 i 11/02).

Član 2.

U članu 16. brišu se riječi: «800 KM, kad je u pitanju izvođač ili grupa koji su građani Bosne i Hercegovine», umjesto kojih se dodaju riječi: «150 KM, kad su u pitanju izvođači sa stalnim prebivalištem na području Općine Velika Kladuša, 800 KM, kad su u pitanju izvođači sa stalnim prebivalištem na drugim Općinama Bosne i Hercegovine».

Ostali dio teksta člana 16. ostaje nepromijenjen.

Član 3.

Ova Odluka stupa na snagu danom objavljivanja u «Službenom glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVALJUĆI
OPĆINSKOG VIJEĆA
Sejfo Mustafić, s.r.

Broj:01-05-73/05.
Velika Kladuša, 25.03.2005.god.

Na osnovu člana 1. i 2. Zakona o federalnim upravnim pristojbama i tarifi federalnih upravnih pristojbi («Sl. novine F BiH», broj: 6/98 i 8/00), člana 2. Zakona o administrativnim taksama i tarifi kantonalnih administrativnih taksa Unsko-sanskog kantona («Službeni list USK-a», broj: 3/97, 9/98, 8/99 i 7/01), i člana 21. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 1/01 i 1/03), Općinsko vijeće Općine Velika Kladuša na svojoj VI sjednici održanoj 24.03.2005. godine, donijelo je

ODLUKU
o izmjenama i dopunama Odluke o općinskim
administrativnim taksama i tarifi općinskih
administrativnih taksa

Član 1.

Ovom Odlukom vrše se izmjene i dopune Odluke o općinskim administrativnim taksama i tarifi općinskih administrativnih taksa («Službeni glasnik općine Velika Kladuša», broj: 6/98 i 5/04).

Član 2.

U tarifnom broju 7. Tarife općinskih administrativnih taksa dodaje se:

- Uvjerenje o starateljstvu u svrhu ostvarivanja carinskih povlastica 5 KM

Član 3.

U tarifnom broju 8. Tarife općinskih administrativnih taksa dodaje se:

- Ovjera uvjerenja za dječiji dodatak u inostranstvu 10 KM

Član 4.

U tarifnom broju 10. Tarife općinskih administrativnih taksa pod brojem 5 iznos od 10 KM zamjenjuje se iznosom od 5 KM

Član 5.

Tarifni broj 11. Tarife općinskih administrativnih taksa mijenja se i glasi:

- | | |
|--|------|
| 1. Za ovjeru potpisa svakog lica | 2 KM |
| 2. Za ovjeru autentičnosti rukopisa ili za ovjeru prepisa od svakog polutabaka originala | 2 KM |

Napomena: Pod polutabakom se podrazumijeva list papira od dvije strane, formata A4 ili manjeg. Ako je rukopis ili prepis čija se ovjera vrši pisan na stranom jeziku, plaća se dvostruki iznos takse iz tačke 2. ovog tarifnog broja.

Član 6.

Tarifni broj 17. Tarife općinskih administrativnih taksa mijenja se i glasi:

- | | |
|--|---------|
| - za ovjeru svih poslovnih knjiga plaća se za svaki list | 0,50 KM |
| - za ovjeru trake za kasu | 5,00 KM |
| - za ovjeru paragon blokova po bloku | 5,00 KM |

Član 7.

U tarifnom broju 29. Tarife općinskih administrativnih taksa dodaje se:

- | | |
|---|------|
| - Mišljenje za regulisanje putnih isprava | 5 KM |
|---|------|

Član 8.

Ova Odluka stupa na snagu danom objave u «Službenom glasniku Općine Velika Kladuša», a primjenjivat će se od 01.04.2005.godine.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj:01-05-74/05.
Velika Kladuša, 25.03.2005.god.

Na osnovu člana 43.a. stava 2. i 3. Zakona o lokalnoj samoupravi («Sl.glasnik USK-a», broj 5/97, 1/98 i 2/2000 i 13/04), člana 21. i 40.b. Statuta Općine Velika Kladuša – prečišćeni tekst («Sl.glasnik Općine Velika Kladuša», broj: 1/2001 i 1/03), Općinsko vijeće Općine Velika Kladuša na svojoj VI sjednici održanoj dana, 24.03.2005. godine, donijelo je

ODLUKU**o imenovanju Komisije za žalbe**

Član 1.

Ovom Odlukom imenuje se Komisija za žalbe (u daljem tekstu Komisija) za rješavanje u drugom stepenu protiv pojedinačnih akata Općinskog načelnika donešenih u prvom stepenu kada je Općinski načelnik rješavao na osnovu propisa Općine Velika Kladuša i propisuju druga pitanja od značaja za njen rad.

Član 2.

Komisija se sastoji od predsjednika i dva (2) člana.

Predsjednik i članovi Komisije imenuju se iz reda vijećnika Općinskog vijeća visoke ili više stručne spreme.

Član 3.

U Komisiju se imenuju:

1. FIKRET BAŠIĆ, nastavnik, za predsjednika
2. JUSUF DIZDAREVIĆ, nastavnik, za člana
3. SENAD KAJDIĆ, nastavnik, za člana

Član 4.

Komisija u drugom stepenu rješava po žalbi protiv pojedinačnih akata Općinskog načelnika donesenih u prvom stepenu kada je Općinski načelnik rješavao na osnovu propisa Općine Velika Kladuša

Član 5.

U postupku rješavanja po žalbi Komisija je obavezna postupati u skladu sa odredbama Zakona o upravnom postupku i ostalim propisima, a svoje stavove odnosno odluke temeljiti na važećim propisima i detaljno ih obrazložiti.

Član 6.

Komisija radi u punom sastavu. Odluke Komisije su pravno valjane ako su se za njih izjasnila najmanje dva člana Komisije.

Član 7.

Sjednice Komisije saziva predsjednik Komisije po potrebi.

Radom Komisije rukovodi predsjednik Komisije i odgovoran je za rad Komisije.

Član 8.

Na sjednici Komisije vodi se zapisnik u koji se unose stavovi i odluke Komisije, njihova pravna utemeljenost za svaki pojedini slučaj, iznesena mišljenja i stavovi svakog člana Komisije, kao i druga pitanja od značaja za rad Komisije.

Član 9.

Komisija podnosi izvještaj o svom radu najmanje jedan put u toku godine Općinskom vijeću.

Iznimno, ako to potrebe i interesi zahtijevaju, Komisija je dužna podnijeti za pojedine slučajeve poseban izvještaj Općinskom vijeću.

Član 10.

Komisija za svoj rad ima pravo na novčanu naknadu.

Visinu novčane naknade utvrđuje posebnim rješenjem Općinski načelnik po podnešenom izvještaju o radu Komisije.

Član 11.

Sredstva za rad Komisije obezbjeđuju se u Budžetu Općine Velika Kladuša.

Član 12.

Administrativno-tehničke i druge poslove vezane za rad Komisije obavljat će Služba za stručne i zajedničke poslove Općinskog organa uprave.

Član 13.

Ova Odluka stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

Broj:01-05-75/05.
Velika Kladuša,25.03.2005.god.

PREDSJEDAVAJUĆI
OPĆINSKOG VIJEĆA
Sejfo Mustafić,s.r.

Na osnovu člana 17.Zakona o osnovama lokalne samouprave («Službene novine F BiH», broj: 6/95), člana 8. i 28. Zakona o lokalnoj samoupravi («Sl.glasnik USK-a», broj: 5/97, 1/98, 2/00 i 13/04) i člana 21. Statuta općine Velika Kladuša-prečišćeni tekst («Službeni glasnik općine Velika Kladuša», broj: 1/01 i 1/03) Općinsko vijeće Općine Velika Kladuša na svojoj VI sjednici održanoj dana 24.03.2005.godine, donijelo je

ODLUKU**o prihvatanju Sporazuma o međusobnoj saradnji u Savezu gradova i općina F BiH****Član 1.**

Prihvata se Sporazum o međusobnoj saradnji u Savezu gradova i općina Federacije Bosne i Hercegovine radi ostvarivanja saradnje sa drugim općinama F BiH, zaštite i unapređenja zajedničkih interesa i razvoja lokalne samouprave.

Član 2.

Prihvatanjem Sporazuma Općina Velika Kladuša se udružuje u Savez općina i gradova F BiH te prihvata sva prava i obaveze Saveza utvrđene Statutom i drugim aktima Saveza.

Član 3.

Ovlašćuje se gosp. Admil Mulalić, Načelnik općine da u ime Općine Velika Kladuša potpiše Sporazum o međusobnoj saradnji u Savezu gradova i općina Federacije Bosne i Hercegovine.

Član 4.

Ova Odluka stupa na snagu danom objavljivanja u «Službenom glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

Broj:01-05-76/05.
Velika Kladuša, 25.03.2005.godine

PREDSJEDAVAJUĆI
OPĆINSKOG VIJEĆA
Sejfo Mustafić,s.r.

Na osnovu člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 1/2001 i 1/2003), člana 86 i 94. Poslovnika Općinskog vijeća Općine Velika Kladuša – prečišćeni tekst («Sl. glasnik općine Velika Kladuša», broj: 1/2001 i 1/2003), a nakon provedene rasprave o Izvještaju o izvršenju budžeta Općine Velika Kladuša, Općinsko vijeće Općine Velika Kladuša na VI sjednici, održanoj 24.03.2005. godine, donijelo je

ZAKLJUČAK**I**

Usvaja se Izvještaj o izvršenju budžeta Općine Velika Kladuša bez primjedbi.

II

Ovaj zaključak stupa na snagu po objavljivanju u «Sl. glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

Broj: 01-05-77/05
Velika Kladuša, 25.03.2005.

PREDSJEDAVAJUĆI
OPĆINSKOG VIJEĆA
Sejfo Mustafić,s.r.

Na osnovu člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 1/2001 i 1/2003), člana 58, 86 i 94. Poslovnika Općinskog vijeća Općine Velika Kladuša – prečišćeni tekst («Sl. glasnik općine Velika Kladuša», broj: 1/2001 i 1/2003), a nakon provedene rasprave o prijedlogu Kluba vijećnika SDA, Općinsko vijeće Općine Velika Kladuša na VI sjednici, održanoj 24.03.2005. godine, donijelo je

ZAKLJUČAK**I**

Prihvata se prijedlog Kluba vijećnika SDA u Općinskom vijeću Općine Velika Kladuša o potrebi upoznavanja Općinskog vijeća o provedenoj aktivnosti usklađivanja redova vožnje autoprevoznika na području općine Velika Kladuša.

II

Zadužuje se Služba za obnovu, razvoj i poduzetništvo Općinskog organa uprave Općine Velika Kladuša, da sačini Informaciju o usklađivanju redova vožnje na području općine Velika Kladuša s ciljem informisanja Općinskog vijeća o ovoj problematici na jednoj od narednih sjednica Vijeća.

III

Ovaj zaključak stupa na snagu po objavljivanju u «Sl. glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

Broj: 01-05-78/05
Velika Kladuša, 25.03.2005.

PREDSJEDAVAJUĆI
OPĆINSKOG VIJEĆA
Sejfo Mustafić,s.r.

Na osnovu člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 1/2001 i 1/2003), i člana 86 i 94. Poslovnika Općinskog vijeća Općine Velika Kladuša – prečišćeni tekst («Sl. glasnik općine Velika Kladuša», broj: 1/2001 i 1/2003), a nakon provedene rasprave o Izvještaju o radu i poslovanju JP Veterinarska stanica Velika Kladuša u 2004.godini, Općinsko vijeće Općine Velika Kladuša na VI sjednici, održanoj 24.03.2005. godine, donijelo je

Z A K L J U Č A K

I

Usvaja se Izvještaj o radu i poslovanju JP Veterinarska stanica Velika Kladuša u 2004.godini.

II

Nalaže se Službi za privredu, budžet i finansije Općinskog organa prave Općine Velika Kladuša da kod nadležnih organa i službi Vlade USK-a urgira učešće provođenje odgovarajuće kontrole kvaliteta mesa, koje se plasira putem maloprodajnih objekata na području općine Velika Kladuša .

III

Obavezuje se Služba za privredu, budžet i finansije Općinskog organa uprave Općine Velika Kladuša da putem Savjetodavne službe za poljoprivredu i JP Veterinarska stanica Velika Kladuša prilikom izrade i podnošenja Informacije o stanju u poljoprivredi na području općine Velika Kladuša posebno obradi i snimi stanje stočnog fonda na području općine , a prvenstveno sa aspekta strukture i broja grla, preventivnog tretiranja istih kao i stepena i vrste zdravstvene zaštite stočnog fonda uopće, te predloži Općinskom vijeću zauzimanje odgovarajućih stavova vezano za problematiku stočara nomada koji na područje općine Velika Kladuša dolaze sa drugih terena BiH.

IV

Ovaj zaključak stupa na snagu po objavljivanju u «Sl. glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić,s.r

Broj: 01-05-79/05
Velika Kladuša, 25.03.2005.

Na osnovu člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 1/2001 i 1/2003), i člana 86 i 94. Poslovnika Općinskog vijeća Općine Velika Kladuša – prečišćeni tekst («Sl. glasnik općine Velika Kladuša», broj: 1/2001 i 1/2003), a nakon provedene rasprave o Informaciji o stepenu revizije urbanističko-planskih dokumenata Općine Velika Kladuša, Općinsko vijeće Općine Velika Kladuša

na VI sjednici, održanoj 24.03.2005. godine, donijelo je

Z A K L J U Č A K

I

Prihvata se Informacija o stepenu revizije urbanističko-planskih dokumenata općine Velika Kladuša, Službe prostornog uređenja, resursa i zaštite okoline Općinskog organa uprave općine Velika Kladuša.

II

Nalaže se Službi prostornog uređenja, resursa i zaštite okoline da Općinskom načelniku općine Velika Kladuša predloži kompletiranje sastava Savjeta plana i stručnih radnih grupa plana, vodeći računa o stručnoj i funkcionalnoj zastupljenosti članova istih.

III

Ovaj zaključak stupa na snagu po objavljivanju u «Sl. glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić,s.r.

Broj: 01-05-80/05
Velika Kladuša, 25.03.2005.

Na osnovu člana 21. Statuta Općine Velika Kladuša – prečišćeni tekst («Sl. glasnik Općine Velika Kladuša», broj: 1/2001 i 1/2003), i člana 86 i 94. Poslovnika Općinskog vijeća Općine Velika Kladuša – prečišćeni tekst («Sl. glasnik općine Velika Kladuša», broj: 1/2001 i 1/2003), a nakon provedene rasprave o Informaciji o rješavanju imovinsko-pravnih odnosa na dionici I faze zaobilaznice oko općine Velika Kladuša, Općinsko vijeće Općine Velika Kladuša na VI sjednici, održanoj 24.03.2005. godine, donijelo je

Z A K L J U Č A K

I

Prihvata se Informacija o rješavanju imovinsko-pravnih odnosa na dionici I faze zaobilaznice oko Velike Kladuše, Službe prostornog uređenja, resursa i zaštite okoline Općinskog organa uprave općine Velika Kladuša, bez primjedbi.

II

Ovaj zaključak stupa na snagu po objavljivanju u «Sl. glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić,s.r.

Broj: 01-05-81/05
Velika Kladuša, 25.03.2005.

Na osnovu člana 29. Zakona o lokalnoj samoupravi («Sl. glasnik USK-a» br. 5/97, 1/98, 1/2000 i 13/04), člana 48. stav 1. i 49. stava 2. Zakona o upravi u Unsko-sanskom kantonu («Sl. glasnik USK»: 2/2000), člana 13. Odluke o organizaciji općinske uprave općine Velika Kladuša («Sl. glasnik općine Velika Kladuša», br. 4/98 i 2/99, 8/00 i 9/03), i člana 214. Zakona o upravnom postupku («Sl. novine F BiH», broj: 2/98 i 48/99), a na prijedlog predstavnika OSCE-a - Odjela za reformu javne uprave u Bihaću, Općinski načelnik općine Velika Kladuša, d o n i o j e

RJEŠENJE

o dopuni Rješenja o imenovanju Stručnog tima za reformu općinske administracije

I

U Rješenju o imenovanju stručnog tima za reformu općinske administracije broj: 02-05-99/05 od 08.02.2005.godine u tački I iza alineje 7. dodaju se nove alineje 8. i 9. koje glase:

9. NIJAZ NUHANOVIĆ, predsjednik Kluba vijećnika DNZ» i

8. HUSNIJA KUDIĆ, predsjednik Kluba vijećnika SDA.

II

Ovo Rješenje stupa na snagu danom donošenja, a objavit će se u «Službenom glasniku općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-34-153/05
Velika Kladuša, 04.03.2005. godine

Na osnovu člana 33. Statuta Općine Velika Kladuša – prečišćeni tekst («Službeni glasnik općine Velika Kladuša», broj: 01/01 i 01/03), a u skladu sa Memorandumom o razumijevanju zaključenim dana 20.12.2004. godine, između Općine Velika Kladuša i Projekta Upravne Odgovornosti u BiH, Načelnik Općine Velika Kladuša, dana 11.03.2005. godine, donio je sljedeće

RJEŠENJE

I

Imenuje se Koordinacioni tim za izradu Programa kapitalnih investicija, u sastavu:

1. Admil Mulalić, predsjednik
2. Senad Šehić, sekretar
3. Omer Kudić, član
4. Selim Kajtezović, član
5. Sead Nadarević, član
6. Haris Rizvić, član
7. Husnija Kudić, član
8. Zumret Mašinović, član
9. Ćamil Keserović, član

10. Kenan Keserović, član

11. Haseba Behrić, član

12. Zlatko Dizdarević, član

13. Nedžada Nuhanović, član

II

Zadatak Koordinacionog tima će biti da pripremi Program kapitalnih investicija, i to da:

- odredi liste investicionih projekata prispjelih na procjenu na osnovu zaprimljenih ispunjenih Prijedloga investiranja,
- boduje pojedinačne projekte na osnovu kriterija ocjenjivanja kao i na osnovu rangiranja projekata za Program kapitalnih investicija.

III

Tehničke usluge za potrebe Koordinacionog tima će obavljati nadležne službe Općinskog organa uprave Velika Kladuša.

IV

Rješenje će biti dostavljeno svim članovima Koordinacionog tima.

V

Ovo Rješenje stupa na snagu danom donošenja a objavit će se u «Službenom glasniku općine Velika Kladuša», na oglasnoj ploči i na internet stranici općine.

O b r a z l o Ź e n j e

Za realizaciju razvojnih ciljeva Općine neophodno je ustanoviti principe koji će biti osnova za stvaranje Programa kapitalnih investicija.

Ti principi obuhvataju sljedeće:

- stvaranje instrumenata koordinacije i usaglašavanje različitih djelatnosti vezanih za razradu Programa.
- stvaranje sredstava i tijela za komunikaciju sa društvom i informacionu politiku, u vezi planiranja investicija i praćenja implementacije investicionih projekata koja su obavezujuća u općini u domenu planiranja i kontrole realizacije investicionih (razvojnih) zadataka.

U tom smislu imenovan je Koordinacioni tim za izradu Programa kapitalnih investicija i utvrđeni su njegovi zadaci.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-05-182/05
Velika Kladuša, 11.03.2005. godine

Na osnovu člana 33. Statuta Općine Velika Kladuša – prečišćeni tekst («Službeni glasnik Općine Velika Kladuša» broj 01/01 i 01/03), a u skladu sa Memorandumom o razumijevanju zaključenim dana 20.12.2004. godine, između Općine Velika Kladuša i Projekta Upravne Odgovornosti u BiH, Općinski načelnik 11.03.2005. godine donio je sljedeći

ZAKLJUČAK
o pretpostavkama, načelima i načinu izrade
Programa kapitalnih investicija Općine

I

Usvajaju se pretpostavke, načela i način razrađivanja Programa kapitalnih investicija (skraćeno: PKI) Općine, u skladu sa Aneksom br. 1 ove odluke.

II

Načelnik Općine se obavezuje da sa ovim Zaključkom upozna Općinsko vijeće te da razradi i predloži Općinskom vijeću nacrt Programa kapitalnih investicija za godine 2006-2010. zajedno sa odgovarajućim Prijedlogom odluke Općinskog vijeća u roku od 3 mjeseca od dana donošenja ovog Zaključka.

III

Ovaj Zaključak stupa na snagu danom donošenja i biće objavljen u «Službenom glasniku općine Velika Kladuša».

Obrazloženje

Investicijski izdaci moraju biti programirani uzimajući u obzir vremenski period duži od jedne budžetske godine i proizilaziti iz razvojne strategije općine ili iz razvojnih ciljeva usvojenih po nekom drugom osnovu. Savjesna realizacija svih ovih ciljeva zahtijeva formulisanje višegodišnje, koordinirane investicione strategije, koja će biti temelj za stvaranje tzv. investicionog aneksa prilikom rada na budžetu svake godine.

Program kapitalnih investicija će biti vrlo koristan za općinske vlasti, naročito u procesu planiranja strateškog razvoja, i on će, između ostalog:

- predstavljati osnovu za pribavljanje inostranih sredstava za razvoj, prije svega, iz evropskih zemalja;
- olakšavati donošenje aktuelnih odluka u skladu sa dugoročnim planovima za razvoj, predstavljajući „most“ između ciljeva i strateških zadataka u toj oblasti, i u skladu sa godišnjim budžetom općine, uzimajući u obzir aktuelne investicione prioritete;
- predstavljati trajnu osnovu za koordinaciju raznih odluka, djelovanja i poduhvata u vezi pripreme i toka investicijskog procesa;
- predstavljati instrument dijaloga sa stanovnicima o politici razvoja općine kao i sredstvo za partnersku saradnju između općinskih vlasti, s jedne strane, i stanovnika općine, nevladinih organizacija u općini, lokalnih privatnih poduzetnika, drugih lokalnih uprava i vladine administracije, s druge strane.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-05-181/05
Velika Kladuša, 11.03.2005. godine

Na osnovu člana 33. Statuta Općine Velika Kladuša – prečišćeni tekst («Sl. glasnik Općine

Velika Kladuša», broj: 1/01 i 1/03) i člana 3. Odluke o proglašenju mjeseca aprila «mjesecom čistoće» na području općine Velika Kladuša («Sl. glasnik općine Velika Kladuša», broj: 5/01), Općinski načelnik općine Velika Kladuša donio je

RJEŠENJE

o formiranju Štaba za provođenje Odluke april
«mjesec čistoće»

I

Ovim Rješenjem formira se štab za provođenje odredaba Odluke o proglašenju mjeseca aprila «mjesecom čistoće» na području općine Velika Kladuša, utvrđuje se broj i sastav štaba.

II

Štab za provođenje Odluke april «mjesec čistoće» broji 15 članova, a sastav čine:

1. Husein Hadžić, Savjetnik općinskog načelnika, predsjednik štaba
2. Osman Čaušević, direktor JKP «Adnan Redžić» Velika Kladuša
3. Selim Kajtezović, direktor ODF za komunalne djelatnosti Velika Kladuša
4. Fikret Pajzetović, direktor Stambenog fonda Općine Velika Kladuša
5. Aladin Mržljak, urbanističko-građevinski i komunalni inspektor
6. Irfan Redžić, direktor GRUPEX d.d. Velika Kladuša
7. Mahmut Muslić, ispred Sanitex-a d.d. Velika Kladuša
8. Alija Badić, ispred JU OŠ «Zijad Šetkić» Velika Kladuša
9. Sakib Selimović, direktor JU OŠ «25. novembar» Velika Kladuša
10. Ibrahim Kamenjašević, direktor Gimnazije «Nail Muminović» Velika Kladuša
11. Esad Eskić, direktor II Srednje škole Velika Kladuša
12. Suljo Miljković, direktor I Srednje škole Velika Kladuša
13. Šehrizad Omanović, ispred MUP-a Policijska stanica Velika Kladuša
14. Mersad Sarajlija, ispred JP «Radio stanica» Velika Kladuša
15. Senad Okanović, direktor ZU «Dom zdravlja» Velika Kladuša

III

Štab provođenja Odluke APRIL «MJESEC ČISTOĆE» organiziraće i rukovoditi akcijom u skladu sa planom i programom provođenja akcije.

IV

Ovo Rješenje stupa na snagu danom donošenja a objavit će se u «Službenom glasniku općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-05-210/05
Velika Kladuša, 29.03.2005. godine